

剛柔府志

卷七十

流寓傳

卷七十一

孝女傳

卷七十二

貞女傳

卷七十三

烈婦傳

興義府志卷七十目錄

列傳 流寓傳

楊彝

孫甯

吳貞毓 張鑄等

李如月

大錯和尙

郭某

沈昂

汪溥

古其品

李成爵

王訪

興義府志

卷七十 目錄

一

貴陽文通書局代印

興義府志卷七十

興義府知府張鏞纂修

列傳

流寓傳

舊志流寓祇載王訪一人。通志流寓未及十八先生。今采摭備列以補闕遺。傳流寓。

楊彝

明楊彝。餘姚人。少卓犖。文章書畫無不精妙。尤長于詩。洪武間。為長泰主簿。子顯被誣。死刑部獄。孫志編戍普安。彝聞棄官詣闕自陳。授吏部考功主事。二十四年。從駕幸華山。獻覽勝賦。稱旨。二十五年。乞就養普安。居東屯。四面多松樹。開軒其中。額曰萬松。自號萬松老人。

興義府志

卷七十

流寓傳

一

貴陽文通書局代印

著有鳳臺。貴竹。東屯。南遊。諸集。古今律選數卷。見一統志

附詩

紫塘晚照

楊 彝

紫塘小雨過山椒。日脚斜低轉樹腰。暝色漸隨青靄重。晴光欲斂絳雲消。穿雲歸去秋原牧。隔水行歌晚徑樵。林下旌旗來小隊。將軍回獵射雙鷗。見安南志

按彝所著諸集。今多佚。惟此詩。及白石崖詩。見安南志。今附載此詩于傳後。而別載白石崖詩于地理志。

沈勗

明沈勗。字廷規。號懶樵。高郵人。洪武中。從父戍普安。博通經史。雅善詩文。築樂矣園。懷甓堂。與楊彝倡和其中。著有迂思遺稿。普安州志。

見一統
志通志

孫甯

明孫甯。蘇州人。洪武中。遣戍普安。性冲淡。工文詞。尤深明性理。見通志

汪溥

明汪溥。字巨淵。澧州人。性穎悟而剛直。博學能文。從父戍普安。開塾設教。出其門者。多成偉器。見通志

吳貞毓

張鑄等附

明吳貞毓。字元聲。宜興人。崇禎十六年進士。初事唐王。為吏部主事。後唐王被執。貞毓于

大清順治三年。與巡撫瞿式耜等。復擁立明神宗之孫。永明王由榔。稱帝于肇慶。改明年為永歷元年。貞毓洊升戶部尚書。時南陽伯李

興義府志

卷七十

流寓傳

二

貴陽文通書局代印

元允專政。袁彭年。劉湘客。丁時魁。金堡。蒙正發。五人。黨附攬權。人目為五虎。貞毓抗疏劾之。按貞毓劾五虎事。見明史嚴起恒傳。永歷三年。流賊孫可望據滇黔。附于王。請封秦王。貞毓與大學士嚴起恒等。堅持不可。旋

大兵破肇慶。王奔梧州。明年。

大兵破桂林。王奔南甯。貞毓並從。既而王以事急。封可望為冀王。可望不受封。遣將賀九儀勒兵五千。至南甯。殺嚴起恒等。貞毓以奉使獲免。王不得已。乃封可望秦王。及貞毓還。王進貞毓東閣大學士。代起恒。又明年。可望由滇遷貴陽。議移王自近。挾以作威。其將掌塘報者。曹延生。密語貞毓不可移。時為

大清順治八年。永歷之五年也。

大兵追王。王勢日迫。王召諸臣議。有請走海濱。就李元允者。有議入

安南避難者。有議泛海抵閩。依鄭成功者。惟文安侯馬吉翔。司禮中官龐天壽。結可望。堅主赴黔。貞毓因前阻封議。且入延生言。不敢決。元允疏請出海。王不欲。就可望。而以海濱遠。再下廷議。終不決。亡何開國公趙印選。衛國公胡一青。殿後軍。戰敗奔還。請王速行。急由水道走土司。抵瀨湍。二將報

大兵益近。相距止百里。上下失色。皆散去。已次羅江土司。追騎相距止一合。會日晡。引去。乃稍安。次龍英。抵廣南。歲已暮矣。明年。爲

大清順治九年。永歷之六年也。二月。可望遣兵迎王入安隆所。改爲

安隆府。按三藩紀事本末云。二月。可望遷王于安隆所。改陸爲隆。升所爲府。後復改爲安龍。考明史洪武置所。卽名安隆。無安陸。

名三藩本末。非也。今從明史本傳。奉王居之。宮室庳陋。服御粗惡。王所居文華殿。寢

室頽壞。風雨侵牀。王求一蒲席蔽之。可望所用安龍知府危應旭。以

興義府志

卷七十 流寓傳

三

貴陽文通書局代印

未奉可望令。不敢與。可望歲給王及從官銀八千兩。應旭上其簿籍于可望。其籍有云。皇帝一名。后妃若干口。皇子宗室若干口。從官大學士以下若干口。每月支銀若干兩。其不敬如此。可望所遣守護將。其悖逆更甚于應旭。王不堪其憂。而馬吉翔掌戎政。龐天壽督勇衛營。諂事可望。謀篡逆。惡貞毓不附己。令其黨冷孟銚。吳象元。方祚亨。交章彈劾。且語孟銚等曰。秦王宰天下。我具啓。以內外事。盡付戎政。勇衛二司。大權歸我。公等爲羽翼。貞毓何能爲。吉翔遂遣門生郭璘。說主事胡士瑞。擁戴秦王。士瑞怒。厲聲叱退之。他日。吉翔遣璘。求郎中。古其品。畫堯舜禪受圖。以獻可望。其品拒不從。吉翔譖于可望。杖殺其品。而可望果以朝事。盡委吉翔。天壽于是士瑞與給事中徐極。員外郎林青陽。蔡縝。主事張鐫。連章發其奸謀。王大怒。兩人求救于

太后乃免。前御史任僎中書方于宣。勸可望設內閣九卿科道官。改印文爲八疊。盡易其舊。立太廟。定朝儀。擬改國號曰後明。自鑄錢曰興朝通寶。日夕謀篡逆。王聞憂懼。密謂中官張福祿。全爲國曰。聞晉王李定國已定廣西。軍聲大振。欲密下一敕。令統兵入衛。若等能密圖乎。二人言徐極。林青陽。張鐫。蔡縝。胡士瑞。曾疏劾吉翔。天壽宜可與謀。王卽令告之。五人許諾。引以告貞毓。貞毓曰。主上憂危。正我輩報國之秋。諸君中誰能充此使者。青陽請行。乃令佯乞假歸葬。而使員外郎蔣乾昌。撰予定國敕。主事朱東旦書之。福祿等持入用寶。青陽於歲盡間道馳至定國所。定國接敕感泣。許以迎王。明年爲大清順治十年。永歷之七年也。可望爲

大兵敗歸。盡殺王之宗室。王愈憂懼。以青陽久未還。將擇使往促。貞

毓以翰林孔目周官對。武安侯都督鄭允元曰。吉翔晨夕在側。假他事出之外。庶有濟。王乃令吉翔奉使。詣梧州南甯。祭桂恭王。及桂恭王妃墓。而遣周官詣定國。吉翔在道。微知青陽密敕事。遣人至定國營偵之。主事劉議新者。道遇吉翔。意其必預謀也。告以兩使齎敕狀。吉翔驚駭。啓報可望。可望大怒。竝疑吉翔預謀。遣其將鄭國。赴南甯逮之。會張鐫。胡士瑞。及李元開。以王親試。徐極。蔡縝。朱東旦。及御史林鍾。以久次。皆予美官。龐天壽。及馬吉翔弟。都督馬雄飛。忌甚。與其黨郭璘。方謀陷之。而林鍾。蔡縝。徐極。張鐫。胡士瑞。亦知事洩。倉皇劾吉翔。天壽。表裏爲奸。王見事急。卽下廷臣議罪。天壽懼。與雄飛馳貴陽。告可望。初。青陽還至南甯。爲守將常榮所留。密遣親信劉吉。告之王。王喜。改青陽給事中。諭貞毓再撰敕。鑄屏翰親臣金印。令劉吉還

付青陽。至廉州。周官與青陽遇。偕至高州。賜定國。定國拜受命。明年。鄭國械吉翔至安龍。與諸臣面質。貞毓謝不知國怒。與其副王愛秀。挾貞毓直入王所居文華殿。迫脅王。索主謀者。王懼不敢正言。謂必外人假敕寶爲之。國遂怒目出。與天壽至朝房。械貞毓。竝鄭允元。林鍾。蔡縝。蔣乾昌。李元開。徐極。張鐫。胡士瑞。朱東旦。及太僕少卿趙賡。禹。御史周允吉。朱議。臬員外郎任斗墟。主事易士佳。主事李欣。按墓碑。三藩本末有李欣。自貞毓以下。凡十六人。合之中官二人。都計十八人。後永明王表墓稱爲十八先生。明史遺李欣。今考補。擊私室。又入宮。擒張福祿。全爲國出。其黨冷孟鈺。蒲縵。宋德亮。朱企鋸等。迫王速具主名。王悲憤而退。翊曰。國等嚴刑拷掠。獨貞毓以大臣免。衆不勝楚。大呼二祖列宗。且大罵。時日已暮。風雷忽震烈。縝厲聲曰。今日縝等直承此獄。稍見臣子報國苦衷。由是衆皆自承。國又問曰。

興義府志

卷七十

流寓傳

五

貴陽文通書局代印

主上知否。縝大聲曰。未經奏明。乃復收繫。以欺君悞國。盜寶矯詔。爲罪。報可望。可望請王親裁。王不勝憤。下廷議。吏部侍郎張佐辰。及蒲縵。宋德亮。冷孟鈺。朱企鋸。蔣御曦等。謂國曰。此輩盡當處死。倘留一人。將爲後患。于是御曦執筆。佐辰擬旨。以張鐫。張福祿。全爲國。爲首。罪凌遲。餘爲從。罪斬。王以貞毓大臣。言于可望。罪絞。吉翔以福祿等內侍。謂王后知情。將廢之。令主事蕭尹。歷陳古廢后事。后泣訴于王。乃已。諸人就刑。神色不變。各賦詩大罵而死。時

大清順治十一年。永歷之八年。四月八日丙戌也。

明史及三藩本末並云三月。今從墓

碑作四月八日。王及妃聞之。爲之暗泣。居三日。其家人合瘞於安龍北關之馬場。已而林青陽逮至。亦被殺。獨周官走免。居二載。定國將奉王前。敕入安龍。可望偵知。使白文選至安龍。欲遷王於貴陽。王及妃御皆

哭。文選心不直可望。且憐王曰姑遲行。以俟西府至。西府者。謂李定國也。旋定國至。奉王入雲南。王乃贈貞毓少師太子太保。吏部尚書。中極殿大學士。賜祭諡文忠。蔭子錦衣千戶世襲。餘贈恤有差。已建廟於馬場。勒碑。大書十八先生成仁處。以旌其忠。定國既奉王居滇。卽捕吉翔及其家人。令步將靳統武收繫。將殺之。吉翔日媚統武。定國客。詣統武。吉翔復媚之。因相與譽吉翔於定國。而微爲辨冤。定國召吉翔。吉翔入謁。卽叩頭言王再造功。千古無兩。吉翔幸望見顏色。死且不朽。他是非何足辨也。定國乃大喜。吉翔因日諂定國客。令說定國。薦己入內閣。遂與定國客蟠結。盡中外權。天壽亦復用事。後從王入緬甸。天壽先死。吉翔爲緬人所殺。

國朝乾隆中。

興義府志

卷七十

流寓傳

六

貴陽文通書局代印

賜貞毓諡忠節。

賜張鐫鄭允元林鍾趙賡禹蔣乾昌李元開徐極周允吉朱議臬胡士瑞朱東旦蔡縝易士佳任斗墟林青陽十五人。通諡烈愍。李欣未

賜諡。

按李欣明史遺之。故勝朝殉節錄未

賜諡以林青陽列入

張

鐫官刑科給事中甯國人鄭允元封武安侯官中軍左都督歙縣人

林鍾官大理寺丞湖廣人一作楊鍾趙賡禹官太僕寺少卿袁州人

蔣乾昌官檢討晉江人李元開官檢討善化人徐極官吏科給事中

江西人一作徐吉周允吉官江西道御史錢塘人朱議臬一作議臬官廣西道

御史南昌人胡士瑞官福建道御史進賢人一作胡士端朱東旦官兵部

郎中四川人蔡縝官工部郎中九江人一作蔡縝易士佳官主事廬陵人

任斗墟官員外郎鄞縣人林青陽官兵科給事中新甯人李欣官主

事。

李一頌作

里居無考。

見明史董明史通鑿輯覽勝朝殉節錄三藩本末四王傳求野錄行在陽秋通志貴州紀年墓碑

按貞毓傳今敬遵

欽定明史本傳為主。而參以諸書。稍增事蹟。傳中朱議臬。明史作議屨。恭檢

欽定康熙字典。無屨字。考三藩本末。作議臬。屨字。恐是臬字之訛。今從三藩本末。作臬。又本傳中。舊有令馬吉翔祭先王。及王太后陵語。今改為祭桂恭王。及桂恭王妃墓。序勝朝事。不稱先。似稍合體例。又謹按

欽定勝朝殉節錄

國朝賜諡十八先生姓名。諡忠節。吳貞毓。通諡烈愍。張鐫。鄭允元。林鍾。趙賡禹。蔣乾昌。李元開。徐極。周允吉。朱議臬。胡士瑞。朱東旦。

興義府志

卷七十

流寓傳

七

貴陽文通書局代印

蔡縝。易士佳。任斗墟。林青陽。凡十六人。中官二人。無諡。其姓名與御批通鑑輯覽同。而考十八先生墓碑。及三藩本末。通志。尚有主事李欣一人。李一頌作在十八先生之列。而無林青陽。乾隆中。學使洪亮吉。知府曹廷奎。修墓。沈越。撰記勒石。據明史。出李欣。而列青陽。今考十八先生。同時殉難。合葬一墓。墓碑。及三藩本末。列有李欣。符十八人之數。至青陽之死。則在十八人同死之後。十八先生墓中。有李欣。無青陽也。今修祠。臚書栗主。補祀李欣。而附祀林青陽。又考明史。本傳中。尚有先後殉難之古。其品。李如月。二人為孫可望。殺于安龍。史附傳。今並附祀。

附文

吳貞毓傳

乾隆大學士 張廷玉 桐城人
明史總裁

吳貞毓字元聲。宜興人。崇禎十六年進士。事唐王。爲吏部文選主事。事敗。擁立永明王。進郎中。王駐全州。加太常少卿。仍掌選事。已擢吏部右侍郎。從至肇慶。拜戶部尙書。廣東西會城。先後失。王徙潯州。再徙南甯。貞毓竝從。貞毓與嚴起恒共阻孫可望。秦王封可望殺起恒。貞毓以奉使獲免。及還。進東閣大學士。代起恒。可望自雲南遷貴陽。議移王自近。挾以作威。其將掌塘報者曹延生。慕貞毓言不可移黔時。

順治八年。大兵南征。勢日迫。王召諸臣議。有請走海濱。就李元允者。有議入安南避難者。有議泛海抵閩。依鄭成功者。惟馬吉翔。龐天壽。結可望。堅主赴黔。貞毓因前阻封議。且入延生言。不敢決。元允疏請出海。王不欲。就可望。而以海濱遠。再下廷議。終不決。亡何

開國公趙印選。衛國公胡一青。殿後軍。戰敗奔還。請王速行。急由水道走土司。抵瀨湍。二將報

大兵益近。相距止百里。上下失色。皆散去。已次羅江土司。追騎相距止一舍。會日晡。引去。乃稍安。次龍英。抵廣南。歲已暮。可望遣兵以明年二月。迎王入安隆所。改爲安龍府。奉王居之。宮室庠陋。服御粗惡。守護將悖逆。無人臣禮。王不堪其憂。吉翔掌戎政。天壽督勇衛營。諂事可望。謀禪代。惡貞毓不附己。令其黨冷孟銚。吳象元。方祚亨。交章彈擊。且語孟銚等曰。秦王宰天下。我具啓。以內外事。盡付戎政。勇衛二司。大權歸我。公等爲羽翼。貞毓何能爲。吉翔遂遣門生郭璘。說主事胡士瑞。擁戴秦王。士瑞怒。厲聲叱退之。他日吉翔遣璘。求郎中古其品。畫堯舜禪受圖。以獻可望。其品拒不從。

吉翔譖於可望。杖殺其品。而可望果以朝事盡委吉翔。天壽於是士瑞與給事中徐極。員外郎林青陽。蔡縝。主事張鐫。連章發其奸謀。王大怒。兩人求救於太后。乃免。前御史任僕中書。方于宣。勸可望設內閣。九卿科道官。改印文爲八疊。盡易其舊。立太廟。定朝儀。擬改國號曰後。明日夕謀篡位。王聞憂懼。密謂中官張福祿。全爲國曰。聞晉王李定國已定廣西。軍聲大振。欲密下一敕。令統兵入衛。若等能圖密乎。二人言徐極。林青陽。張鐫。蔡縝。胡士瑞。曾疏劾吉翔。天壽宜可與謀。王卽令告之。五人許諾。引以告貞毓。貞毓曰。主上憂危。正我輩報國之秋。諸君中誰能充此使者。青陽請行。乃令佯乞假歸葬。而使員外郎蔣乾昌。撰予定國敕。主事朱東旦書之。福祿等持入用寶。青陽於歲盡間道馳至定國所。定國接敕感

泣。許以迎王。明年夏。青陽久未還。王將擇使往促。貞毓以翰林孔目周官對。都督鄭允元曰。吉翔晨夕在側。假他事出之外。庶有濟。王乃令吉翔奉使祭先王。及王太后陵。於梧州南甯。而遣周官詣定國。吉翔在道。微知青陽密敕事。遣人至定國營偵之。主事劉議新者。道遇吉翔。意其必預謀也。告以兩使齎敕狀。吉翔驚駭。啓報可望。可望大怒。竝疑吉翔預謀。遣其將鄭國。赴南甯逮之。會鐫。士瑞。及李元開。以王親試。極。縝。東旦。及御史林鍾。以久次。皆予美官。天壽及吉翔弟都督雄飛。忌甚。與其黨郭璘。方謀陷之。而鍾。縝。極。鐫。士瑞。亦知事洩。倉皇劾吉翔。天壽表裏爲奸。王見事急。卽下廷臣議罪。天壽懼。與雄飛馳貴陽。告可望。初。青陽還至南甯。爲守將常榮所留。密遣親信劉吉。告之王。王喜。改青陽給事中。諭貞毓再

撰敕鑄屏翰親臣金印。令吉還付青陽。至廉州。周官與青陽遇。偕至高州。賜定國。定國拜受命。而是時鄭國已械吉翔至安龍。與諸臣面質。貞毓謝不知國怒。因挾貞毓直入王所居文華殿。迫脅王索主謀者。王懼不敢正言。謂必外人假敕寶爲之。國遂努日出。與天壽至朝房。械貞毓。竝允元鍾。續乾昌。元開。極。鐫。士瑞。東旦。及太僕少卿趙賡。禹。御史周允吉。朱議。屨。員。外郎。任斗墟。主事易士佳。繫私室。又入宮。擒福祿爲國而出。其黨冷孟鈺。蒲纓。宋德亮。朱企。鋸等。迫王速具主名。王悲憤而退。翊日。國等嚴刑拷掠。獨貞毓以大臣免。衆不勝楚。大呼二祖列宗。且大罵。時日已暮。風雷忽震。烈。續厲聲曰。今日續等直承此獄。稍見臣子報國苦衷。由是衆皆自承。國又問曰。主上知否。續大聲曰。未經奏明。乃復收繫。以欺君悞。

國盜寶矯詔爲罪。報可望。可望請王親裁。王不勝憤。下廷議。兵部侍郎張佐辰及纓德亮。孟鈺。企。鋸。蔣御曦等。謂國曰。此輩盡當處死。倘留一人。將爲後患。於是御曦執筆。佐辰擬旨。以鐫。福祿爲國爲首。罪凌遲。餘爲從。罪斬。王以貞毓大臣。言於可望。罪絞。吉翔以福祿等內侍。謂王后知情。將廢之。令主事蕭尹。歷陳古廢后事。后泣訴於王。乃已。諸人就刑。神色不變。各賦詩大罵而死。其家人合瘞於安龍北關之馬場。已而青陽逮至。亦被殺。獨官走免。時

順治十一年三月也。居二載。定國竟奉前敕。護王入雲南。乃贈貞毓少師。太子太保。吏部尙書。中極殿大學士。賜祭。諡文忠。廕子錦衣世千戶。餘贈恤有差。已建廟於馬場。勒碑。大書十八先生成仁處。以旌其忠。定國既奉王居滇。卽捕吉翔及其家人。令步將斬統

武收繫將殺之。吉翔曰：媚統武，定國客詣統武。吉翔復媚之。因相與譽吉翔於定國，而微爲辨冤。定國召吉翔，吉翔入謁，卽叩頭言：王再造功，千古無兩。吉翔幸望見顏色，死且不朽。他是非，何足辨也。定國乃大喜。吉翔因日諂定國客，令說定國薦己入內閣，遂與定國客蟠結，盡中外權。天壽亦復用事，後從王入緬甸。天壽先死，吉翔爲緬人所殺。有李如月者，東莞人，官御史。王駐安龍時，孫可望獲叛將陳邦傳父子，去其皮，傳死至安龍。如月劾可望，不請旨，擅殺勛鎮，罪同莽操，而請加邦傳惡諡，以懲不忠。王知可望必怒，留其疏，召如月入，諭以諡本褒忠，無惡諡理。小臣妄言亂制，杖四十。除名，意將解，可望怒，而可望大怒，遣人至王所，執如月至朝門外，抑使跪。如月向闕叩頭，大呼：太祖高皇帝極口大罵其人，遂剔

興義府志

卷七十

流寓傳

十一

貴陽文通書局代印

其皮斷手足及首，實草皮內，紉之，懸于通衢。見明史

明十八先生成仁處碑

康熙王紹爵南籠貢生人

明永明王駐安龍，孫可望跋扈，王危甚。十八先生密謀，封李定國爲晉王，令統兵入衛。孰知天心已去，謀洩禍興。可望怒，興大獄，而十八先生慷慨自承，遂皆被害。殉難之日，乃四月初八，丙戌日也。就刑于安龍天榜山麓之馬場，是日晴朗，忽風雷慘暗。十八先生從容賦絕命詩而死。王隱泣，三日後，同瘞山麓。後李定國入衛，勒碑記其姓名。墓卽表以成仁。迄今巍冢猶存，片石可讀。嗚呼！蔓草荒煙，憫忠者尙其過而弔之。

十八先生論

康熙馬聯鑣昆明時人

說者曰：初永明王播遷在粵也。雖兵號百萬，不過烏合之衆，無大

將以將之。難保不敗。十八先生宜力勸王。從可望請。遷雲南。命可望出師東下。大事集矣。何先迎不來。兵敗始至。致可望怒。遂至主辱臣死。不知可望狼子野心。初不過爲閣臣。楊畏知奮不顧身。動以大義。彼始歸明。不過外借尊攘之名。以牢籠天下耳。其實烏肯存明哉。卒之畏知見可望。無一匡志。恐爲所挽。故激可望之殺。以求不負初心。不愧人臣而已。畏知旣殺。彼復何忌。可望有臣心。遷于前。與遷于後。無異。何恭于前而侮于後乎。說者又曰。永明王播遷安龍。乃可望地。食御出自秦供。君臣宜帖服。以待天時。何冒險頒詔。禍實自階。不知秦封未錫。以寇仇明。勢無足怪。秦封旣受。義等天淵。何得以供食御。殺侍從臣。至于密封晉王。別寄維城。如人父母將危。再延一醫。再進一藥。以盡人子之心。推之于君。亦猶是

也。張良博浪之椎。歷代除奸之舉。計皆出此事。苟不濟。死卽隨之。夫復何恨。使計不得出。將袖手旁觀。坐食秦祿。終身始稱純臣乎。且可望不卽弑君。殺十八先生者。恐晉王議其後耳。旋十八先生死。而晉王以兵迎王入滇。然則十八先生之死。實永明王之生也。死十八先生而生永明。十八先生其求仁得仁乎。說者又曰。使十八先生不定謀封晉王。其身必不見殺。不知十八先生不殺。不過乞憐可望。豢養安龍。草木同腐。且十八先生死後。秦王亦死。晉王亦死。諸臣盡死。又烏能如十八先生。殺身成仁。名傳天壤。碑傳後世哉。至此不爲十八先生悲。實爲十八先生慶。

十八先生論

蕭 詔

忠臣義士。古今所共褒也。亂臣賊子。朝野所共誅也。至于成敗利

鈍實由天命。豈人所能挽哉。宋之末帝昺。遷于海。惟陸秀夫張士傑從。二公非不知雁門咫尺地。不可中興。然以君未亡。臣安歸。及蹈海而後。臣節以完。明永歷事。亦有然者。天不祚明。闖賊內侵。帝崩煤山。永歷親藩也。儒臣吳貞毓等。奉以爲君。中原無託足之地。遂入黔以圖存。非不知安籠片土。不足以延宗祀。然而國雖破。尙有君。奚可委之而去。一日者。密封晉以制秦。秦偵知之。索草制者。諸臣莫敢應。貞毓等十八人。挺然任之。卽從容就義。賦詩罵賊而死。嗚呼。自古皆有死。如其雖生猶死。不如雖死猶生。十八先生。死得其所矣。由是晉王以鐵騎敗秦師。迎王入滇。非十八先生之忠義。有以激之。不至此。而後之成敗利鈍。非人力之所能爲也。天也。迄今過安籠之墟者。雖樵夫牧子。無不道其殉節事。可望能殺其身。豈能滅其名哉。今恭遇

皇仁溥博。以侯爵襲明裔。存其宗祀。世有以貞毓等之事上聞者。豈不光史冊。享俎豆。與宋之陸秀夫張士傑並傳哉。予拜其墓。讀其碑。不禁慷慨歎弔。以詩而著爲論。

弔十八先生文

時年十三
咸豐解元張之洞
南皮人

嗚呼。徹曉含芒。天星所以高節士。見危授命。人世所以重尸臣。乃有枉矢西流。赤烏夾日。當十八公忠節旣盡。而三百年明祚遂終。寰宇爲之撫膺。奕世聞而下淚。豈非犀軒直蓋。先爭鐘鼎之先。馬革殘屍。位埒雲臺之上哉。夫先生身居奕國。志奉孱王。火德方衰。黃龍已死。扈播遷于兩粵。隨駐蹕于安龍。馬吉翔請禪受之圖。孫可望毀閣卿之印。豺狼並起于轂下。烽煙更莽若雲來。用切主憂。

實維臣辱。抱九天九地之智。莫可施爲。聽一甄兩甄之鳴。處此實逼。讒焰掣擎天之手。妖雲遮捧日之心。畫策空良。行人不返。沈機旁瀉。惡豎構氛。奄弁則狼狽爲奸。械大臣而侮王后。部郎皆狐媚自保。助逆賊以逞梟鋒。八字鋤忠。一人莫赦。嗚呼痛哉。白草青燐。誰能辨蔣侯之骨。歛旌冷翠。不聞歸穆伯之喪。共矢忠心。同爲怨魄。白虹日冷。碧葬風殘。可勝言哉。假使外援來自高州。內患消于富水。斷阿鞏山之臂。埽洩落河之鋒。則露布歡呼。送頭顱于千里。風聲蕩駭。化蟲沙之一軍。豈能恢復兩京。仍歸故鼎。不過策勳覆闕。磨崖一碑已耳。又安得氣肅三靈。而哀騰七萃也哉。嗟呼。銅駝星散。誰談明帝之諸陵。宰樹霜清。共識忠臣之古墓。我朝思棟梁于前代。買馬骨于灰塵。用瘞殘骸。以旌大節。灑九天之

雨露直達窮泉。感兩晉之衣冠。能無流涕。然而冢中碧血。死有後馨。日後丹心。至今不朽。白鐫七字。勵古今臣子之忠。黃土一抔。增郡內山川之色。洞也。趨庭鯉對稽古馬場。幼讀史書。丹忱致慕。來瞻隆冢。雪涕沾襟。縱難從隔代以執鞭。每欲弔英雄以片紙。松風凜凜。先生之氣概歸然。秋草茫茫。舊日之峯儀如在。興亡莫恨。歲月已非。義著前朝。名垂萬世。

附詩

臨刑詩

吳貞毓

九世承恩恨未酬。蒼茫天意洩良謀。四朝身歷惟依漢。一死心甘願報劉。忠孝兩窮嗟百折。匡扶再造仗同儔。賊臣未斬身先殉。留取忠魂復國讐。

又

蔣乾昌

臣死甘心痛主危。臣心不死上天知。聖君未衛憂難釋。志士成仁意不悲。十載空籌思報國。孤魂猶戀望匡時。願為厲鬼同誅賊。就刃從容且賦詩。

又

李元開

幽憤呼天共賦詩。何時逆賊就誅時。中原殘後危明主。西府聞宜起義師。報國忠心終不死。從亡殉難早先知。他年光復中興日。始妥遊魂慰所思。

又

胡士瑞

生久雖無補。常存報國丹。太阿芒倒置。社稷祚將寒。明主成孤立。忠魂塞兩間。權奸逃顯戮。厲殺又何難。

興義府志

卷七十

流寓傳

十五

貴陽文通書局代印

十八先生墓

明崇禎舉人

吳中蕃貴陽人

崎嶇萬里欲何求。一死難言事便休。毅骨不歸埋遠島。忠名猶在勝清流。誰從衣帶收遺句。我向荆榛識故坵。擬禁采樵雖未得。且

留幾字待千秋。見敝帚集

弔十八先生

康熙時人

馬聯鑣昆明人

天生列宿下南荒。十八先生護弱王。殷土芒芒都破碎。苦無寸土聚冠裳。遷就安龍求擁戴。誰知貢獻同臣賚。壯士思椎博浪沙。蠟書還詔馳行在。賊膽如天齊置死。諸公視死如歸喜。止是求仁而得仁。綱常萬古皆如此。馬場慘淡纍荒墳。動地陰風日夜聞。浩氣直凌滄海日。忠魂時結龍山雲。可憐弱主吞聲哭。妃嬪宮眷相悲感。妻孥惟有暗招魂。昏鴉俛影號山麓。冷雨淒風不忍過。霜天落

月更如何。宵深每見明燐火。野草幽花惹恨多。忠魂浩然歸碧落。松杉不須悲寂寞。死士芳聲播萬年。賊臣一樣填溝壑。最是奸邪馬吉翔。屢陳密計賣君王。緬雲復蹈安龍轍。駢戮遐荒亦慘亡。更有甘心弑故主。深謀指望君心許。皇天特遣惡滔天。剩得兒孫膏鑕斧。謂吳三桂父子。我來憑弔欽英風。宋朝文謝明諸公。短歌不作悲哀語。表忠吐氣貫長虹。

弔十八先生

蕭 詔

明璽幾傳三百年。逆璫委鬼恣刑戮。忠良已盡闖賊橫。梟勇過人眇一目。血染乾坤陸地沉。席捲山河天步蹙。公侯武夫不知兵。學士名流惟善哭。煤山崩矣日黃昏。惟傳恤民詔一幅。殘局再傾到永明。蝸角君臣圖恢復。龍離滄海去何之。羣小欺侮如魚肉。奔竄

鬼方駐安龍。大厦已傾支寸木。蟠踞遐荒已夜郎。秦人復窺中原鹿。封晉制秦計議頻。狼子野心豈臣服。秦索草詔者爲誰。內閣元老吳貞毓。鼎鑊如飴久已甘。笑請司禮張福祿。全公爲國同其官。鄭侯允元何須鞫。侍臣胡瑞及楊鍾。趙君賡禹無雌伏。蔡續還同易士佳。方寸不亂咸郁郁。詞林更有蔣乾昌。李頌元開節可錄。吏部徐極自從容。兵科張鐫能肅肅。議屢朱公御史臣。慷慨不回率其副。周子允元道相同。不慚股肱與心腹。可憐儀司任斗墟。扶植綱常思之熟。東旦朱公武選司。此日功名詎戀轂。一時殉難十八人。罵賊欺天頸不縮。風雲變色賊膽寒。草木含悲抔土馥。君不見黔南道上一樹碑。行人下馬拜而讀。紛紛野祭弔忠魂。苗獯相戒勿樵牧。

弔十八先生

乾隆貴州學政 葉 酉

撮土孤墳野水濱。滄桑往事不堪論。更無貔虎三千土。空有忠貞十八人。此日要荒餘碧血。當年將帥本黃巾。可憐一穴埋冤後。古木風悲草不春。

弔十八先生

嘉慶貴州學政 洪亮吉 常州人

七千里路接蠻鄉。十八先生授命場。絕勝瀛洲唐學士。就中甯有許高陽。

弔十八先生

嘉慶思州教授 李瓊英 興義府人

入衛雄師阻石門。誅奸事洩斷忠魂。一羣佞骨今何在。十八丹心此尚存。雪化百年悲馬鬣。糧支數口痛龍孫。中官亦得先生號。元祐安民可並論。

興義府志

卷七十

流寓傳

十七

貴陽文通書局代印

間關扈從走龍孫。謀泄駢誅日色昏。荒草有情含碧血。青山何幸瘞忠魂。蒼茫故國雲迷路。憑弔秋墳酒滿尊。皇帝一名妃數口。小朝廷事不堪論。

弔十八先生

道光興義知府 朱 膺 石屏人

孤墳三尺傍山陬。聚斂忠魂此一邱。帝子奔亡依盜賊。王臣顛沛秉春秋。獄成早誓同埋骨。詩就何妨各斷頭。明義士方唐學士。殘碑姓氏勝瀛洲。

龍困安龍可奈何。同袍空奮魯陽戈。心扶故國成丹久。血灑蠻荒化碧多。虎口那堪延旦夕。馬場從此壯山河。鬼雄莫抱興亡恨。賜諡隆恩百代過。

弔十八先生

道光普安訓導 李榮蕙 貴陽人

穹碑高矗馬場墳。遺恨空思掃逆氛。但願同心誅巨憝。誰知共死報孤君。蛟龍失水河山裂。虎豹當關玉石焚。幸際

聖朝隆卹典。凜然大節壯風雲。

孱主奇危可奈何。蓋臣定策苦奔波。敕書奉到兵何緩。金印頻頒事豈訛。骨殖已歸新境土。夢魂猶繞舊山河。安龍畢竟將龍困。誰使秦王秉太阿。

天鑒孤忠十八人。風雲驟變憫成仁。徵兵謀洩甘駢戮。絕命詩傳見性真。太息先生皆志士。最難宦者亦純臣。諸君應是阿羅漢。佛誕剛逢盡殉身。

弔十八先生

道光興義府經歷 馮慶
蘇州人

踏青曾過馬場遊。帶雨蠻花淚未收。山意猶含亡國恨。水聲如訴

興義府志

卷七十

流寓傳

十八

貴陽文通書局代印

亂臣謀。勤王反。激風雷怒。報主甘將頂踵酬。贏得一邱人共仰。殘碑姓字足千秋。

將成冤獄變風雲。十八臣能共一心。何幸青山埋碧血。獨留紅日照丹忱。史褒大節隆恩普。詩弔忠魂太守臨。試問秦王今在否。空留逆蹟到如今。

古其品

明古其品。官郎中。從永明王居安龍。馬吉翔求其品。畫堯舜禪受圖。獻孫可望。其品拒不從。吉翔譖于可望。可望杖殺之。今附祀十八先生祠。見明史

李如月

明李如月。東莞人。官御史。從永明王居安龍時。王將有陳邦傳者。見明史

作邦傳東華錄作邦溥

嘗戰復潯州梧州。以功封慶國公。賜尙方劍。後邦傳求世居廣西。如黔國公故事。又以所賜空敕。矯命封孫可望為秦王。與勛國公高必正讐殺。王奔南甯時。邦傳又劫殺部郎潘駿觀等。給事中金堡。嘗劾其十可斬。邦傳遂于順治九年四月。又殺宣國公焦璉而降于我。

大清。明史藁云。八年九月降。七月四日。李定國陷桂林。擒邦傳父子。

送黔。三藩本末云。定國擒。孫可望殺之。剝去其皮。傳尸安龍。于是如月

劾可望不請旨。擅殺勳臣。罪同莽操。而請加邦傳惡諡。以懲不忠。王知可望必怒。留其疏。召如月入。諭以諡本褒忠。無惡諡理。小臣妄言亂制。杖四十。除名。意將解可望怒。而可望怒甚。遣人至王所。執如月至朝門外。抑使跪。如月憤甚。向闕叩頭。大呼太祖高皇帝。極口大罵。

興義府志

卷七十

流寓傳

十九

實陽文通書局代印

可望支解之。剝皮。實以草紉之。懸于通衢。見明史藁明史東華錄三藩本末

李成爵

明李成爵。永明王將。封伯爵。順治十五年。信郡王帥師。與卓布泰等會兵入黔。成爵為王守安龍之涼水井。十一月。卓布泰兵由泗城至安龍東境。成爵遣別將。至羅炎河。東華錄作羅顏渡悉鑿沉其渡船。布泰計窮不得渡。既而船自下流十里外浮。出泗城。土目岑繼祿。滿州名臣傳。作岑繼見告布泰。急修宵濟。明日。馳抵涼水井。成爵設衆萬餘。嚴陣以待。布泰分兵四面攻之。不能破。俄一護軍陷入陣。衆從之。師遂潰。成爵戰死于安龍之梁瑞津。見名臣傳東華錄

大錯和尚

明大錯和尚。本姓錢。名邦芑。字開少。丹徒人。崇禎中諸生。三藩時。以

科第官至貴州巡撫。孫可望據貴州。邦芑棄官爲僧。永明王之駐安籠也。邦芑居黃草壩數年。及可望降于我。

大清。後南中士大夫創義者。多推邦芑主盟。有編修方于宣者。先媚事可望。爲可望撰國史。稱張獻忠爲太祖。作太祖本紀。比崇禎于桀紂。又爲可望制天子鹵簿。定朝儀。言帝星明于井度。上書勸進。及可望爲李定國所敗。于宣懼禍及。又詭附邦芑。馳書于邦芑云。欲糾義旅。截擒可望以報國。邦芑得書大笑。爲詩以絕之。有句云。秦宮火後收圖籍。猶見君家勸進書。蓋發其覆也。後明亡。邦芑居湄潭。又遊南嶽寶慶人士。延修府志。卒于寶慶東山。見蕁鄉贊筆勗菴集

附詩

答方于宣

錢邦芑

興義府志

卷七十

流寓傳

二十

貴陽文通書局代印

修史當年筆削餘。帝星井度竟成虛。秦宮火後收圖籍。猶見君家勸進書。

哭開少叔

明錢點

病中執我手。天末十年來。生歎無家別。身亡有夢回。孤燈雙淚落。抔土寸心灰。論定棺初蓋。名成玉可埋。寄情工著述。避世闢蒿萊。遯迹離塵網。全歸到夜臺。招魂鄉國遠。歌薤友朋哀。案上遺書在。塵封不忍開。見勗菴集

按此詩。乃哭大錯和尚詩。點卽其姪。偕隱于黔者也。特附錄。

王訪

王訪。字方言。遼東人。進士。官彌勒知州。避亂居安龍。時地經兵燹。士多失學。訪講明理學。士遊其門。始知學問。自有真際。著有詩文集。及

舉業金針度。見志舊

附詩

雜興

王訪

料理煙霞覓句忙。千山風月待平章。詩人近欠新詩債。好雨催詩到草堂。

中流一葉放輕舟。綠海紅江次第遊。有客欲歸歸不得。家鄉萬里使人愁。

按訪集今佚。惟傳此二詩。特附錄存之。

郭某

郭某。佚其名。邵陽人。流寓新城。嘉慶二年。狎苗反。圍新城。勢甚銳。城幾陷。東城無故自崩。守者皆哭。郭某奮然曰。哭何益。且止。勿亂衆心。

興義府志

卷七十 流寓傳

二十一

貴陽文通書局代印

乃手利刃。從容踰城下。突入苗壘。斬數十人。苗驚亂。自相蹂躪。死者無算。郭某仍從容踰城上。于是苗常自驚。不敢逼城。城中因得樹柵築壘。以補東隅缺。及總督勒保援師至。圍解。欲官之。郭某辭焉。其驍勇而高介如此。補撰

按流寓中。若十八先生者。忠忱毅節。郡地爲之生色矣。乃或有刻論者曰。十八先生。忠矣。而微有可議者。考明史。永明王之大學士。嚴起恒。與貞毓共阻秦王封。爲可望殺。亦忠正臣也。而貞毓等嘗

傾之。明史嚴起恒傳云。王在肇慶。朝政決于李元允。袁彭年等附

吉翔。司禮中官。龐天壽。共患難。久無所惡。而五虎撼起舟。救貞毓。邪黨。王在梧州。吳貞毓等。四人合疏。攻五虎。起高必入朝。請除。并惡之。乃請還。王言。朝事壞于五虎。主之者。起高必入朝。請除。欲藉其力。以傾起恒。言朝事壞于五虎。主之者。起高必入朝。請除。君側。奸數言。可決。此必長者。奈何。以爲奸。必正見。王乃力言。起恒虛。公嚴。反救。五虎。此長。者奈。何。以爲。奸。必正。見。王。乃力。言。起。恒。虛。

任公可。又是時王之臣。分爲吳楚二黨。貞毓等固內結馬吉翔。而爲

吳黨矣。明史朱天麟傳云。時朝士各樹黨。從李成棟至者曹華耿

起恒。王化澄。吳貞毓等。詆曹耿嘗事吳姓。久之復分吳楚二黨。主

吳者。朱天麟。吳貞毓。堵允錫。王化澄等。皆內結馬吉翔。外結陳邦

傳。主楚者。袁彭年等。皆外是以史臣曰。吳楚樹黨相傾。猶之南都

翻案故態也。顛覆之端。有自來矣。見明史貞毓等

余謂其言非也。史藁采摭羣書。容有所聞異詞。考明史貞毓本傳。

附可望而殺十八先生者。馬吉翔也。則十八先生不黨結吉翔。明

矣。明史本傳及堵允錫傳。言吉翔黨可望。當得其實。明史堵允錫

吉翔等各樹黨。允錫結歡是吉翔黨可望。非黨十八先生也。況歐陽

文忠公朋黨論有言。君子與君子爲朋。貞毓等即使有黨。乃君子

之朋。非黨也。亦冀戮力同心。以期共濟耳。夫羣書淆亂。既言人人

殊。史采羣書。亦有互異。讀史者多聞闕疑。存而不論可矣。正未可
即執以刻繩賢者也。譬之今人同時一事。尙有互相是非。况十八
先生事蹟。距今二百年。豈容執一說以懸斷妄議乎。